

**KUATIA OÑEMOHENDAHÁPE MBA'ÉICHAPA OÑOMINGÁTA
PARLAMENTO MERCOSUR PEGUA HA PARAGUÁI ÑE'ËNGUÉRA
SÄMBYHYHA**

Paraguay, Paraguái retä táva guasúpe, 07 jasyapy ary 2014-pe oja oñohendápe **oñoñe'eme'ë** haguä **Parlamento MERCOSUR** omotenondéva Mburuvichavetéramo, karai **Rubén Martínez Huelmo**, ha **Paraguái Ñe'ënguéra Sämbhyha**, omotenondéva Sämbhyháraramo **kuñakarai Ladislaa Alcaraz de Silvero**, ha he'i ojejapotaha oñondive hikuái:

ÑEPYRÜMBY

Parlamento MERCOSUR pegua oñemoheñói Protocolo Montevideo peguare rupi, 9 jasyapaköi 2005-pe «*temimoimby (órgano) ikatúva oñe'ë tetäyguarakuéra rérape, ijeheguieténte oku'éva, ombyatýtava ijehé temimoimby oíva MERCOSUR-pe*» (vove 1° PCPM);

Parlamento MERCOSUR pegua he'i omba'apotaha opavave tapicha jerépe oikóva oñakárapu'ã haguä ojoapytépe, taha'e ha'éva teko rerekoha (Vove 2.3 PCPM); upéicha avei ani haguä oí hembýva oikoe Hague rehe hemiandu política guivoguápe téra hekopype (Artículo 3.1 PCPM);

Protocolo Montevideo peguare ombopokatu avei Parlamento MERCOSUR peguápe he'ívo chupe ikatuha oñomonga opavave temimoimby ndive, téra oipytyvö umívape, taha'épa tetäpy pegua téra oka pegua hikuái (Vove 4.17 PCPM);

Iléi Guasu rupi, Paraguáigui oiko «*peteĩ tetä heko jopara ha iñe'ëköiva. Iñe'ënguéra tee ha'e castellano ha guaraní*» (Léi Guasu, Vove 140 he'iháicha). Upéicha avei, Léi 4251 Ñe'ënguéra rehegua ombohapéva Léi Guasúpe oíva, he'i kóicha Paraguái rehe: «*Tetä omombaretéta guarani jekuaa ha ijehécharamo ñe'ëteéramo, opaichagua atyguasú tetä ambuegua ha'e oikéhápe*» (Vove 4°).

Paraguái Ñe'ënguéra Sämbhyha (PÑS) oñemoheñói Léi 4251 Ñe'ënguéra rehegua rupi, ha'ete omyakã haguä mba'éichapa ojeporúta opavave ñe'ë Paraguáipe oíva, ko'ýte umi teetéva, maranduhápe, ñehekombo'e, tekome'ë, ñemurã, viru jeporu, tekuaimbo'e (política) ha tembiapo katupyrype (profesión), ha tenda oívévape. Upéicha avei oporomokyre'yva'erã tojehapereka mba'éichapa ñe'ënguéra ojeporu tetäpy rehe.

VORE PETEÏHA: MA'ERÄPA

Ko ñe'eme'ë ojejapo ojekuaa haguä mba'eichaitépa oñemba'apóta ojeporavo haguä ñe'ëasahára (traductor, ra) guarani megua ambue ñe'eme, téra ko'avagui guarani ñe'eme, oikotevë vove Parlamento MERCOSUR pegua.

VORE MOKÖIHA: OJEJAPOVA'ERÄ

Paraguái Ñe'enguéra Sämbhyha oñeha'áva'erä ojejapo haguã umi mba'e oñemoiva vore peteihápe, petei kuartia pyahu upevarä ojejapóva rupive.

VORE MBOHAPYHA: TEMBIAPORÄ REHEGUA

Tembiapo ojejeruréva Paraguái Ñe'enguéra Sämbhyhápe ojejapótaramo Parlamento MERCOSUR pegua rógape, kóva ohepyme'embaitéta opavave tekotevëmby.

VORE IRUNDYHA: MBA'ÉICHAPA OÑEMBOHAPÉTA OÏRAMO JOAVY

Moköive yta omoneiva ko ñoñe'ëme'ë he'i ojapoha upéicha py'apotime ha oïgui petei ñe'ëme, ha opa umíva rehe he'i oïramo joavy ko'ä tembiaporäme, tuichavekue téra michivehápe, ohekáta mba'éichapa omoï poräta umi mba'e ñomongeta jováipe.

VORE POHA: ARAKA'E PEVÉPA OJEPYSÓTA

Ko ñoñe'ëme'ë ojepysóta, oñembohéra guapy rire, moköi ary pukukue, ha ipyahúta ijehegui reínte, umi imyakäha nde'írima guive tove 6 jasy upe mboyve.

VORE POTEÏHA: MOÏPA HÓGA MBA'E APOHAKUÉRA

Oñomongeta haguã syryrýpe oñondive, moakäharakuéra omombe'u moöpa oiko: Mercosur Parlamento oï guataha Pablo de María P^{py} 827, táva Montevideo (Uruguái retäme), ha Paraguái Ñe'enguéra Sämbhyha, guataha Presidente Franco P^{py} 780, Ayolas reve ojoasahápe, óga guasu Ayfra, 3^{ha} koty guasu, táva Paraguay (Paraguái retäme).

Ohechaukávo ojupe omoneiva oñoñe'ë, moköiveva myakähára ombohéra guapy ko kuartia ñopytyvörä, ha ojapo ichugui moköi ojeheguaitéva ha ovaléva peteichaite, oiva castellano ha guaraníme; ko'ä mba'e ojejapo tenda ko kuartia ñepyrüräme oñemoivape, uguahëvo arange oiva upépe avei.



RUBÉN MARTÍNEZ HUELMO
MERCOSUR Parlamento pegua
Mburuvichavete



LADISLAA ALCARAZ DE SILVERO
Paraguái Ñe'enguéra Sämbhyhára



PRESIDENCIA
PARLAMENTO DEL MERCOSUR

